

TOLEAI

PERA.

US V.






H. XIII. 13




Lisen  
Noro Sachu  
937E











# Henrici Nicolai

1. Theologiae Epitome.
2. Exercitatio de Methodo Trinitatis.
3. Exerc. de Medio Religioso et Theologico.
4. Ex. de Conciliatione Eucharistiarum.
5. Miscellanea Theologica.
6. Ex. de non liquendo.
7. Henricum defensionem et explicationem.
8. Henricum defensionem et explicationem continuatam.
9. Exercitatio de Athesi et Ethere.
10. Exerc. de Symbolo Athanasii.
11. Fr. Händel's des Ohrs im Hindernis Salomo W. 4.
12. Tractatus de Pace, Editio Secunda.
13. Protestatio super nova Editione Tractatus de Pace.
14. Georgii Rhetorici Viduae Re protestatio antecedenti Protestationi opposita.
15. Protestatio defensa.
16. Oratio de Philosophico Studio cum Theologia conjungendo, praemisso Programmate.
17. Cursus Philosophicus.
18. Exercitatio de Subiecto et Adjuncto.
19. Exerc. de quatuor diana Telluris Revolutione.
20. Ex. de Apologia Veritate, libaque apud Christianos ratione.
21. Tr. de Novis praedicandi.
22. Tr. de Comparativarum Eucharistiarum expositione.
23. Rotgeri cum Bergen des Laura Anticy sine Epistolum ad Henricum Nicolai.
24. Gottfr. Lameli Hymenaei Tumulus.

2. b. Rotgeri cum Bergen Epistolum ad Henricum Nicolai.



D. O. M. A.

Adl. 18

DE

# PHILOSOPHIÆ

studio cum Theologiâ

conjungendo,

# ORATIO

*Habita in introductione ad Professionem  
honorariam.*

IN GYMNASIO ELBINGENSI,

*Ipsis Calendis Iuniis, S. N.*

ANNO 1651.

AB

HENRICO NICOLAI,

Professore Gymn. Elbing. honorario.

---

ELBINGÆ.

Typis ACHATII CORELLII.

ANNO à partu Virginis Matris.

M. DC. LI.



MAGNIFICO

# BURGGRABIO REGIO,

*Nobilissimis atq; Amplissimis*

PRÆCOSS: ET COSS:  
Inclytæ Regiæq; Civitatis  
ELBINGENSIS,

Dominis Patronis ac Fautoribus suis  
observanter colendis,

*Primitias actorum, dicta, patrataq;  
in Gymnasio,*

Ex more & observantiâ

*Sacra esse cupit*

HENRICVS NICOLAI,  
Prof. honorarius.



D .O. M. A.

3

De Philosophiæ studio cum Theo-  
logiâ conjungendo,

# ORATIO

MAGNIFICE

BVRGGRABIE REGIE,

NOBILISSIMI AMPLISSIMIq;  
PRÆCONSVLES & CONSVLES,

CLARISSIMI, REVERENDI, EX-  
CELLENTISSIMI VIRI,

CIVES HONORATISSIMI,  
STUDIOSI IGNAVI ET INDUSTRII,  
*Auditores omnium Ordinum exoptatissimi.*



Ellem, quod velles, ve-  
teri proverbio, vel formulâ,  
dictum. Non inconveni-  
enter hoc loco, tempore,  
occasione, mihi usurpandum,  
quando & Oratio ex more  
habenda, & Vos ad audien-  
dum copiosè, ut video, & benevolè, ut æstimo,  
confluxistis. Vellem, inquam, quod Vos vel-  
letis,



letis, ego vellem, universi fortè à me aut expectant, aut desiderant. Orationem nempe à me promi eam, quæ singulos Vestrum tenere, mulcere, satiare, posset. Sed mihi tenuitas mea in cognito; Vobis expectatio de me fortè in magnifico est. Vellem, quod Themistio, singulari Philosopho, contigisse accepimus, quoties sacrum palatii limen contingeret, ut animus solito clarior, perspicax intelligentia, & velut fenestratum pectus extemplò evenerit, mihi in amplissimo hoc confessu obtingeret, ut & animus negotio sufficiens, argumentum tradi dignum, verba rebus demensa, & ad singula paratus vigor in vota & acta succurrerent. Cum Satyrice dicerem: Hic ego centenas vellem deposcere voces, ut quantum mihi nunc sinuoso in pectore fixum, Voce traham purâ, totumq; hoc verba resignent, quod latet arcanâ fibrâ. Vellem, ut solidæ utilitati consilium, non inconsultæ voluntati auspiciū pararetur. Ut monumentum pondere & pretio magis, quàm mole & magnitudine æstimatum erigerem. Optimum auspiciū pro patriâ Hector apud Homerum pugnare ait. Ego pro publicâ utilitate laborare: Optimeq;



meq; statum tueretur, qui multum ex parte sua in  
commune bonum confert. Quod de me optem,  
à me præstari cupiam. Vellem, ut in eam  
famam & Vrbs, & Gymnasium hoc excresceret,  
ut de Carthagine sua Madaurensi in floridis di-  
ctum, de hoc loco ex vero diceretur: Apud El-  
bingenses omnem disciplinam pueri discunt, lu-  
venes ostentant, Senes docent. Vellem, docen-  
tes sine invidia, discentes sine pudore, in incre-  
mento utriq; ad augmenta scientiæ, veritatis,  
soliditatis, inconcusso successu, perpetuâ alacri-  
tate, progredierentur. Ut consilia doctiorum in  
præcepta, & admonitiones in parendi necessita-  
tem junioribus acciperentur. Si votorum po-  
testas in homine esset, & quod optatur, in factum  
concederet, vellem, ut ego omnium spei satisfacere,  
omnes à me, quod expectant, decerpere  
possent. Sed frustra sunt vota, quando nego-  
tia requiruntur. Non enim votis, sed studiis,  
non suspirijs, sed vigilijs, non otio, sed negotio,  
ad satisfaciendum expectationi proceditur. Itaq;  
ut & vota, & exordium Orationis in compendi-  
um traham, vellem, ut quod primò omnium di-  
xisse addeciuit, principium operis, medium, &  
finis, ille sine principio, sed principium & finis  
ipse



ipse rerum, alpha & omega, primus & novissimus in sacris dictus, IEHOVA DEVS noster esset, amœnitas **I**EHOVA nostri nobiscum esset, operibus manuumstrarum benediceret, ipsa in nobis institueret; dirigeret, promoveret. Eo modo & inexhausta suæ gloriæ parata, Vrbi honorifica, Gymnasio proficua, universis fidelibus salutaria ipse Inchoator & Consummator boni operis conciliaret.

Qvo in antecessum jam misso, votisq; ac affectu præmisso, exspectatis, opinor, Auditores, ut argumentum dicendi designem. Sanè varium mihi fuit, quod aut eligi potuit, aut proponi dignum fuit. E Philosophiâ desumi, E Theologiâ tractari potuit, vel juncturâ utriusq; expediri.

De Theologiâ nostrâ in pacem componendâ, medijsq; ad eam ducentibus, De ipsâ ejus indole, naturâ, objecto, fine, partibus, affectionibus, de fundamentis ac principiis solidè constituendis differere, de minuendis ævi nostri controversiis, non extendendis, de variis quæsitis à fide resecandis aut distingvendis, proponere, de impedimentis studij Theologici collocare, de alijs ad rem facientibus tractare, de Philosophiæ naturâ, de optimo tutissimoq; Philosophandi genere, de veræ solidæq; Philosophiæ impedi-



impedimentis similibusq; repræsentare, licitum  
& æquum videri potuit. Etiam infrunito cu-  
idam Sycophantæ, in me & scripta quædam mea  
ultimâ oratione, insulsè invecito, primâ meâ oc-  
curri justum & necessum esset, hominisq; per-  
verfitas ac calumniâ ostendi merita. Sed quia  
alio scripto agam, seposita alijsq; temporibus re-  
servata hæc sint; non rejecta, aut in derelictis  
æstimata.

Duplici munio functionis expedi-  
endo in præsens commodum factu visum, de  
utrâq; aliquid ad tractandum exhibere. Eoq; de  
Philosophiæ studio cum Theologiâ conjungen-  
do dicere cum Deo intendi, quantum & in The-  
ologiâ conducat Philosophia, & quàm ægrè hac  
carere queat illa, & quàm minimè citrà Philoso-  
phiæ opem in Theologicis, ut hodiè quæsitæ &  
tempora sunt, cum usu ac solido profectu pro-  
cedere liceat, ut adolescere, & in justam virilita-  
tem succrescere Theol. queat.

Quo de argu-  
mento cum ad semihorium festinatâ quadam  
Oratione, non elaboratâ tractatione, dissero, itaq;  
attempero, ut nec brevitatis obscura, nec diffusio  
molesta esse debeat, auxilium Summi Numinis,  
sine quo nihil boni in homine, patientiam benevo-  
li auditoris, sine quo nihil grati in Orante, exante  
imploro,



imploro, & felicitatem totius successus, sine quo nihil accepti in Orbe judicatur, deinde exopto. Sic enim & destinata facilius exsequi, & votorum summam felicius assequi concedetur.

Vt partitè distinctèq; in negotio procedam, Philosophiæ nomine non vanas hominum opiniones, ut Anaxagoræ nivem atram delirantis, aut Pyrrhonis nihil certi in rebus censentis, Luciani omnem Deum subsannantis, non aliorum scurrarum, mulieres non esse homines, ineptientium, vel Sadducæorum aut Phariseorum commenta & traditiones olim Philosophiæ nomine appellatas, ut in Coronide Logicâ ostendi, non alia deliria, sed notitiam naturæ rerum in libro Naturæ à Deo propositarum, Theologiæ vocem non gentilium aut Poëtarum, qui gentilibus velut Prophetæ, ut Dij eorum Dæmonia ac idola fuerunt, non opiniones sectarum errantium, Theologiæ nomine quandoq; amictas, sed veram spiritualium materiarum in Libro Scripturæ à Deo representatarum cognitionem, quantum hujus seculi caligo ferre queat, intelligo, quas notitias velut habitus animo competere, atq; interiore perfectione eum exornare debere, constat. Quod alibi deductum, nunc ulteriore disceptatione tractari



tractari non intenditur. Has veras notitias conjungi sibi, non opponi aut divelli in solido Theologiae studio, æquum censeam. Atq; expensâ aut necessitate, aut utilitate, aut præstantiâ Philosophiæ, de conjungendo nemo sanus ancipiti æstu in partes ferri necessum habebit. Præsumendum de eo, velut certo, erit, non certæ rei iniquam disceptationem suscipere oportebit. Carcinoma enim veritatis dubia ac versatilis opinio esse solet, cum veritas certâ rerum persuasione conscientias constringat, ut solido assensu pacatæ, constanter in eâ perseverent. Equidem, si vè terminos Scripturæ aut Ecclesiæ usitados, si vè integra enuntiata, principia, Canones, & axiomata, spectes, Philosophicæ notionibus nequidquam carere Theologiam posse, in aperto futurum est. Terminos in naturales & morales dispescam. Naturales, qui naturam rei non à nobis agibilis, sed speculabilis, designent, ut Physicos, Pnevmaticos, Arithmeticos, Geographicos: Morales, qui agendorum, cavendorum, patientiendorum, naturas exprimant. Vt Ethicos, Oeconomicos, Politicos. Vtriusq; fortis mare in Theologicis reperias. Qui dubitet, à principio ad calcem Scripturam volvat, dubitatio facili negotio



tio animo eximetur. Primum Genesios caput totum Physicum, Pnevmaticum, Metaphysicum, est. Mentio ibi cœli, terræ, aquæ, Solis, lunæ, stellarum, herbarum, arborum, piscium, brutorum, hominis, est. Quorum explicatio & definitio à Physico, Geographo, Astronomo, distinctè capienda. Memoratur imago, similitudo, ad quam homo formatus, bonum, qvæle omne à Deo conditum dicitur, Morale enim intelligi nequeat, cum non omne à DEo conditum tale, s. virtuosum, non enim stellæ, herbæ, bruta talia: sed Metaphysicum accipere oportet, convenientia rei ad Dei propositum, qvòd in doctrinâ boni describit primus Philosophus: Memoratur DEus, cujus generalem descriptionem sistet Pnevmaticus, Spiritus omnipotens & increatus, assentiente etiam Scripturâ, qvæ Spiritum vocat, Ioh. 4. Et omnipotentem exprimit, Gen. 17. Sed neutrius definitionem suppeditante, verum aliundè hauriendam relinqvante, etsi ad Trinitatis mysterium Pnevmatice aut totus Creatorum Orbis non assurgat. Vltimum Bibliorum caput, vigesimum secundum Apocalypsios, aquarum, crysalli, ligni, fructuum, radicis, phosphori, sponsæ, stellæ, mentionem habet. Qvas voces sensu suo Physicis, Metaphy-



Metaphysicis, Oeconomicis, Astronomicis disciplinis deberi, indeq; propria significata nancisci, extra omne dubium situm est. Intermedios à primo ad ultimum Scripturæ libros, plenos refertosq; terminis Philosophicis existere, qui eos lustret, primo obtutu animadvertet. Iosua liber magnam Geographicorum terminorum faraginem suppedabit. Nomina finium, limitum, Orientalis, Occidentalis, Septentrionalis plagæ in terrâ, similiaq; utramq; paginam ibi expediunt. Nemo sine Geographicis sensum horum deprobat. Calvinum alicubi mordet è Iesuitis Serarius, quòd Iosuam Commentariis explanare aggressus, cum Geographicorum se rudem profiteatur, & liber sine illis intelligi aut tractari non queat. Mihi sanè in medio linquatur, fueritnè satis Geographus Calvinus, an minùs? Multa enim homo scire potest: nemo omnia. Verùm, quod pro modestiâ Calvinus protulerit, quomodo extenuamus, quorum rationem satis nobis perspectam insinuamus, id velut absolutè traditum Serarius interpretetur. Geographias enim studium in Calvino ipse in Iosuam Commentarius luculentâ demonstratione confirmet, utcunq; non universa ad unguem secta sint, quod in Theologo



logo quis requirat? Quasi in reprehensionem  
 veniat, quod non ad unguem factus Ictus aut  
 Medicus sit? In Iobo, Psalmis Proverbijs, Ev-  
 angelistis, plurima ex intimo naturæ regno de-  
 prompta, quorum voces & sensus frustra requirat,  
 nisi Physicorum, Astronomicorum, gnarus. Pa-  
 rabolæ, similia, exempla Christi, abunde id doce-  
 ant. DEi & Spiritus notio quot vicibus in  
 Biblijs occurrit? Et quo libro non memoratur  
 DEus, si fortè Estheram excipias, in quo nulla  
 DEi expressio, quod Theologis observatum vi-  
 deo, causasq; inquire, cur factum, æquum, sed  
 non huius loci, sit. Sed exacta ac generalis &  
 DEi, & Spiritus ratio, non nisi à Spiritus disci-  
 plinâ panditur, quam Pnevmaticam hodiè ap-  
 pellare in Philosophiâ consensimus. Specialis  
 DEi notitiâ, quod Pater ille Domini nostri Iesu  
 Christi sit, Filiusq; & Spiritus ejus DEus de DEo  
 sit, Theologo ex jure & merito relinquitur. Vo-  
 cis normæ, mensuræ, Canonis, in Epistolis & Pro-  
 phetis mentionem videas, Gal 5. Phil. 3. Ima-  
 ginem & characterem Substantiæ Patris Filium  
 DEi Epistola ad Colos. 1. & Hebr. 1. vocat. Ne-  
 cessarium & contingens, Substantiam & acci-  
 dens, creatum & increatum, finitum ac infinitum,  
 personam,



personam, essentiam, subsistentiam, Causam & causatum, principium & principiatum, subiectum & adjunctum, aliaq; infinita passim in hodiernâ Theologiâ audias, quorum usum varium esse reperit controversorum gnarus, sensum nonnisi à Metaphysico haurias ac derives, Utcunq; disciplina illa ultra alias odia multorum patiatur, è quibusdam provinciis jussu imperantium exilio mulctata, exesse cogatur. Quod hominum factum, non præcisè justitiæ est: nec quæ sunt, iusto semper transcribenda. Interest, quid fiat, & quid deceat, quod alibi inculcari solet. Tres personas, unam essentiam in Deo dicimus, unam personam, duas naturas, in Dei filio. Quid termini personæ, essentiæ, naturæ, notent aut expriment, ex Metaphysicâ & Physicâ depromi necessum erit, quorum propria ibi explicatio. In ipso Concilio Nicæno cum termini adhiberentur, vim eorum nemo affecutus est. Boëthius Phil. & Theologus explicandis illis operam insumpsit, facemq; intelligendis accendit, è quâ nostro tempore lumen nobis, etsi non sine immani rixâ & contentione Photinianis difficultatibus implexâ & excitatâ, unde obfuscarî aut extingui debeat. Naturâ ludæos Apostolus ad Gal 2. Naturâ filios



iræ ad Ephes. 2. Servire iis, qui naturâ non Dii sunt, ad Gal. 4. memorat. Nos naturâ peccatores esse, & nasci, non solo more trahi, ex Psalmo aliisq; dicimus. Sed quid vis naturæ & significati contineat, nemo, nisi Physicorum gnarus, justè expediat, aut à Metaphysico fortassè auxilium deposcere fas erit. Christum verum hominem esse & credimus, & confitemur. Sed quid ad hominis esse pertineat, Physica explanat. Inde nobis asserendi fundamentum contra Marcionitas, Manicheos, Docetas, Saturninos, Basilidianos, negantes, aut pervertentes. Ad morales terminos progredior, quos moralium rerum naturas exprimere dixi. Major horum in sacris copia, quàm in surdo mari commoto fluctus esse queant. In libris Mosis, Regum, Samuelis, Judicum, Chronicorum, Maccabæorum, magna Politicorum, ut regni, Politicæ, status, regis, principis, præfecti, magistratus, subditi, belli, pacis, In Levitico, Deuteronomio, Exodo, Proverbiorum, Psalmorum, Siracidis, Tobie, libris, ingens Oeconomicorum, Vt parentum, liberorum, Cognatorum, agnatorum, affinium, graduum Consanguinitatis, in epistolis densa Ethicorum termino.



terminorum, virtutum, vitiorum, affectuum, inclinationum, occurrit turba & mentio. Exemplum si desideras, solum caput 5. ad Galatas fidem rei tibi suppeditet. Quid autem illa verè sint, quæ indoles rerum vocibus designatarum, moralis Philosophus dextrè expediat. Solida perpetuaq; fides est dicto, quod à Theologis usurpatur: Meminisse Scripturam iustitiæ, temperantiæ, fortitudinis, modestiæ, liberalitatis, avaritiæ, timiditatis, gulæ, superbiæ; Inculcare etiam, prohibere, commendare, vituperare, ad eam formam, quæ arborum, plantarum, mineralium, mentiones passim usurpat. Sed quid tamen illa in re sint, non describere aut definire, nec modos definiendi tradere, sed univèrsa, ut alibi tradita, aut definita vel definienda, præassumere. Res ipsas Scripturam proponit, sed definitiones non apponit. Promptuarium Theologicorum est, non Catechesis. Ita Spiritus frequens memoratio. Sed quid ille, velut alibi definitum præassumit, non definit. Nisi quòd Servator spiritum non habere carnem & ossa, ut corpus habeat, apud Lucam asserat, unde tamen de definitione malè cogitatum arripias, cum plurima de re verè dicantur, nec definitionem faciant, cum



cum affectiones, operationes, relationes, opposita, aliaq; esse possint. Ita verum de homine, non equum, non leonem, esse. Si quis per ea definiat, Logicis luxati iudicii vertiginem influet. De auro, non stannum, non æs, non stibium esse. Sed definitionis asciam ferre, per Cerrito habendus, qui ajat. Ecclesiasticorum terminorum copiam in Theolog. usurpatam porrò adducam, non argumentum, sed tempus me destituat. Essentiam, personas, subsistentiam, modos, relationes, hypostasim, unionem, communionem, immeationem, alternationem, idiomata & proprietates, communia & generalitates, Ens per se & per aliud, principium & principiatum, formam & formatum, in Trinitate & Christo, actiones, passiones, exertiones, modi agendi ac patiendi, in Creatione, Providentiâ, Prædestinatione, Justificatione, adoptione, Substantiam, accidens, Causas per se, per accidens, naturâ sui & per aliud, fundamentale & actuale, materiale & formale, in peccato, signum & signatum in Sacramento, normam & normatum in Scripturâ, Mundum & Corporum in eo in Creatione, bonum morale, naturale, intentionem, debitum, gratuitum, mercedem, in bon. operibus Virtutem.



Virtutem, fidem, expectationem, persuasionem, intellectum, voluntatem, libertatem, in libero arbitrio, legem scriptam, non scriptam, naturalem, positivam, obligationem, exceptionem, dispensationem, executionem, in Legis doctrinâ, Monarchicum, Aristocraticum, Ecclesiasticum, Politicum, regimen, iudicem, partem, subjectionem, exemptionem, potestatem secularem, Ecclesiasticam, in doctrinâ de Ecclesiâ & Magistratu Politico, habitum disciplinarem theoreticum, practicum, complexum, objectum, partes, finem, affectiones ejus in Theol. naturâ, similia infinita per totum Corpus Locorum Theologicorum. sparsa habemus, ut percurrenti oculari demonstratione patefiet. Quorum sensus, vis, intellectus, nonnisi è disciplinis Philosophicis velut logarijs arcessenda, usuiq; in Theol. applicita validanda sunt.

Proferam me post terminos ad enuntiata, sub quibus Canones, axiomata, problemata, propositiones, comprehendere fas sit. In DEO sub unâ essentiâ tres hypostases, modos, substantias, relationes, varias notiones & processiones, In Christo unionem duarum dissitarum naturarum, Communionem earum, proprietatum, apotelesmatum, operationum, dicimus, & contra dubitantes



rantes propugnamus. Sed significata vocum &  
 quæ sita nemo discutiet, nisi à Metaphysicis præ-  
 ceptionib. instructus sit. Quærimus, an tria indi-  
 vidua in DEO dicere liceat, an tres Causas Socia-  
 Creationis, prædestinationis, vocare, an causam  
 peccati per accidens DEum appellare, an mora-  
 lem & occasionalem, si non naturalem, an natura-  
 lis DEI filius Christus quia homo sit, an adoptatus,  
 an causatum & principiatum Patris dici possit, an  
 originatus melius vocetur, an dependere à Patre  
 dici queat, an instrumentum Patris in Creatione,  
 an ens per se, per accidens, an potius per aliud vo-  
 cari, an Caro ejus rectè Verbi adjunctum aut ac-  
 cidens prædicabile, an unio in eo essentialis aut  
 accidentalis, an neutra de utraq; an Sp. S. & imago  
 filii dicendus, an bona opera causas sine quibus non  
 salutis, an conditiones subjecti salvandi, an pecca-  
 tum originis substantiam hominis Theologicam,  
 an accidens dicere fas sit, an peccati formale in-  
 merè privativo, an & in positivo quodam consistat,  
 an liberum arbitrium actus, habitus, facultas, aut  
 aliud sit, an intellectus radicaliter liber sit, Ecclesiæ  
 regimen an Monarchicum, an Aristocraticum  
 melius sit, an iustificationis formale in habitum  
 infundendo, an in peccatum non imputando con-  
 sistat,



sistat, an accidentia panis sine pane, ut subjecto, subsistere queant, cum hic in corporis substantiam transierit, an relatio realem rerum presentiam importet, an veram agendi efficaciam subministret, an pluribus locis corpus divinitus sibi conversionem corpori imponat, an in æternitate temporum differentia occurrant, usura an licita, an prorsus improbanda, De Magistratu, de parendo & imperando, multa in Theol. quaeruntur, quæ ex Politicis, Ethicis, multa alia, quorum notitiam è Metaphysicis, Ethicis, Physicis, Mathematicis, decerpere necessum est. Contra Socinistas infelix duellator, contra Pontificios imparatus erit, qui non armis è Philos. depromptis pectus instructum gesserit. Pleraque enim tela religioni obversa è Philosophicis illi depromunt. Non attinet, quaestiones in immentum aggerere. Multiplicata enim id habent, quod de Sole Martio dicitur, Humores solvunt & movent, non resolvunt. Canones quosdam subjiciam, in Theol. passim tritos, quorum sensum è Philos. haurire cogaris. Quod sub unionem in Christo venit, & sub communionem venit. Finitum non est capax infiniti, nec hujus ad illud aliqua est proportio. Omnis perfectio Deo eminenenter tribuenda, imperfectio removenda est.



Lex per se peccatum cohibet, per accidens irritat. DEus indurat non efficaciam immittendo sed Satanæ committendo & permittendo: Effectivè ad peccatum concurret ratione motus, actus, directionis, gubernationis, & judicij, non ratione *avopias* & ipsius vitiositatis. Creatio à parte rei est essentia DEi volens, à parte distincti conceptus volitionis ad producendum ex nihilo exsertio & extensio. Decreta DEi in sese sunt unum; sed in objectis & distinctis concipiendi modis sunt varia. Corpus Adami ante lapsum fuit immortale non naturâ terrenâ solâ in sese, sed in concreatâ imagine DEi & scopo ac voluntate Creatoris considerata. Causa prima in motum secunda influit antecedendo, comitando ac concurrente, & consequendo. Neceffe est scandala venire necessitate hypotheticâ & consequentis, non absolutâ & consequentiæ, & quæ aliâ magno numero, nunquam sine Philosophiâ solidè imbibenda, aut usui exemplorum Theologorum adhibenda.

Necessitas Phil. in Theologiâ ex his, opinor, abundè statuta esse possit. Nec absurdè Scheiblero alijsq; dictum crediderim, in hodiernâ Theol. ut hodiè quæsitâ, tempora, & adversarij sunt, ac hodiè Theol. in Academijs docetur, sufficienter

eam



eam defendi & explicari sine Phil. non posse.  
 Quod si *ἡ ἀληθεία καὶ πρὸς τὸν λόγον*, prodigolum ac pro-  
 cul à fide videatur, in ante adductis acumen peri-  
 clitetur, & quid aut inchoare, aut perficere queat,  
 prospiciat. Jejuna in multis opera futura est: Si  
 probationum aut refutationum res fuerit, si ad-  
 struere aut destruere coneris, vix sine Dolonis hu-  
 jus ferentariâ operâ destinata expeditas. Nexæ in  
 multis disciplinæ sunt Phil. & Theologia: Si di-  
 vulsum corpus moliaris, periculo teipsum expo-  
 nas, frustillatimq; scopas argumenti Theologici  
 alliges, quas conjunctim produxisse satius extite-  
 rit. Non de fide Christianâ loquor, quæ Philoso-  
 phemata seponit, & credendi simplicitate conten-  
 ta agit: Sed Theologiæ accuratâ notitiâ, habitu,  
 de explicando, deducendo, confirmando, refel-  
 lendo, quod Doctor fidelium agat, non omnis fi-  
 delis. Hic momenta Philosophiam ministrare in-  
 comperto est.

Ac necessitate ejus statutâ de utilitate consti-  
 tuere haud sanè difficilis negotij fuerit. Libandum  
 illud magis, quàm tractandum in præsens erit.  
 Pondus certè & momentum usus è terminis soli-  
 dè penetratis, Canonibus justè expeditis, definiti-  
 onib. accuratè libratiss, distinctionibus & limitati-  
 onibus



onibus dextrè admotis non leve depromendum  
 erit, quod in Theologiâ adhibeas. Sine eo labor  
 in diffuso, utilitas in nullo, aut exiguo, futura est.  
 Sivè de novo componere intendas, sivè ab altero  
 constructum in sacris resolvere labores, usum Phil.  
 ministrabit. Et docendo populum manu ductrix,  
 & refellendo adversarium fida in formatrix de-  
 prehendetur. Non satis accuratè citra ejus opem  
 munium explicueris. Sæpè laborem atq; operam  
 in perditis collocare necessum erit. Nemo ad-  
 jumenta contemnit, qvî opus habet. Cur tantæ  
 manus ministerium respuas, ubi suppetit? Plura  
 dicere tempus non finit, & ego patientiâ vestrâ,  
 Aud. egregij, abuti non sustineo. Monebo de  
 præstantiâ Phil. magis, qvàm docebo. Eam, si ab  
 objecto in habitu arcessas, Philosophiæ præ omni-  
 bus civilibus addici necessum est. DEum enim  
 includit, in Pnevmaticis exhibet & discutit, quan-  
 tum è Naturâ nosci potest, & qvòd, & qvîd, & qva-  
 lis sit, Spiritum item creatum, completum & in-  
 completum sistit; qvibus nobiliora objecta ne co-  
 gitare qveas, omniumq; Philosophorum consensu  
 de eminentiâ illis conceditur. Si à fine præroga-  
 tivam derives, totam perfectionem Philosophi-  
 cam ac civilem, theoreticam, intellectus, practi-  
 cam



cam voluntatis, contemplativam & activam, ministrabit. Medicinæ præstantiam à sanitate, Iurisprudentiæ à justitiâ arcessimus. Vtramq; in generali sistit Philosophia, illam in Physiologiâ, hanc in Ethicâ, atq; inde specialiùs discutiendas decerpit Ictus & Medicus. Si à certitudine ac evidentia demonstrationum præstantia sit, omnibus exsuperat Philosophia. Mathematicis demonstrationib. nullæ potiores sunt. Physica veriore doctrinâ, propioribus principijs necessarios effectus monstrante, sua deducit. Prima summaq; intelligendi principia solâ terminorum evolutione & inductione contenta & assumpta, demonstratione ulteriore ne opus quidem habent. Metaphysica generalissimis probationibus ex entis naturâ defluentibus, & universalib. primis principijs firmâ ratione progreditur. Pnevmatice & si demonstrandi vigorem non ubiq; admittat: firmis tamen probationibus è Naturæ lumine petitis de Spiritu passim defungitur. Qvare & necessitate, & utilitate, & præstantiâ Phil. ac dignitate ex hætenus dictis intellectâ, qvid obstare animadvertatur, qvò minus utramq; disciplinam, sacram & civilem, insigni conjugio copulari consentiamus? Si non omnes, explicatas tamen non minimas causarum  
videtis,



videtis, quibus societatem pulcherrimarum disciplinarum convadeamus. Qui ultra hæreat, fac in lumine accensâ opus habeat, aut Morycho stupidior sit, vel si quid *ἀνδρείου* observatum sit. At ego satis & instituto & penso fecissem, nisi quædam, quæ obvertuntur, & fucatâ specie eludunt, amovenda venirent. Validiora tantum adducam, & pauca, non multa. Primò Philosophiâ instru homines ad rixandum, contendendum, dicitur, è Scholasticis ad tricandum paratiores, ad benè agendum inhabitiores universos exurgere. Patriarchas hæreticorum Philosophos dictos, nullo acriores illis Ecclesiam hostes habuisse, caveri iustum, ne per Phil. & inanem Sapientiam quis non deprædetur. Hæc si Philosophiæ in crimen imputanda, omnibus Philosophis inesse necesse est. At minimè id omnium. De Stoicis enim Orator contrarium, & princeps Sectæ Seneca in scriptis & Socrates in factis, perpetuò contestatus est. Moralia, Mathematica, Theologica, ut sui fori, tractarunt, contendendi nec fueri, nec patroni. Sceptici omnia in incerto fuerunt; contendere opus non habuerunt. Pythagoras & asseclæ minimè omnium rixosi: silentio potius nimio culpandi, quàm contentionis suspecti. Plato probabiliter disputat.



ptat, perſuadet, illicit: Minimè contentioſus  
 exactor, aut ſupercilioſus ſuggeſtor. Et quid-  
 quid huius ſit, abuſus in homine eſt, non cri-  
 men in diſciplinâ. In Iure, Medicinâ, Theolo-  
 giâ, vitium concreti ab abſtracto diſcernitur.  
 Cur hic confundatur? Errata artificum ab ipſâ  
 arte ibi diſtinguuntur: In ſolâ Phil. imputan-  
 tur. Cur artem vituperes, quæ abuſum ſui pro-  
 hibere non potuit? Fermè autem rei, quò pre-  
 tioſior, eò peſtilentior abuſus, & optimorum  
 deterrima depravatio eſt. Scripturâ nihil divi-  
 nius. Sed quivis hæreticus ad validos errores  
 detorquet, ad rixas aut comendas, aut proten-  
 dendas, uſurpat. Nec abſurdus adèò error, cui  
 non inde ſubſidium petatur. Libertinorum  
 hæreſi nihil inſulſius. Furor, vix error, eſt. Fir-  
 mamenta tamen contentionis dicta de libertate  
 Chriſtianâ è Sacris ſuppeterere coacta. Vino nihil  
 utiliſ, & delitium homini eſſe debuit. Sed  
 abuſus in venenum tranſtulit, & ſimiliter Apo-  
 ſtolo monitum, ne inebriemur vino, in quo  
 ſit, Eph. 5. Pari munio, ac ne quis per Philoſ.  
 nos deprædetur. Utrumq; ab abuſu hominum  
 eſt, non rei naturâ. Niſi & ignem, opes, So-  
 lem, & quæcunq; beneficia injuſtus Cenſor cri-  
 minetur,

D



minetur, nam & hæc abusib. subjecta. Sed non  
 rejicitur Galenus, etsi in DEI potentiâ procax  
 alicubi, 2. d. usu part. Non Plinii commentatio,  
 etsi in Deum contumeliosus, resurrectionis irri-  
 sor, & omnipotentia detractor ille sit, L. 2. C.  
 7. 57. Et L. 30. c. 1. Sed bonum ab improbo se-  
 cernimus. Non possumus virtuti bellum indi-  
 cere. Probamus omnia: Malis abactis bona  
 retinemus. Non addam, Phil. voce non noti-  
 tiam rerum, sed Sadducæorum ac Pharisæorum  
 placita Apostolum notare, Vt in principio di-  
 ctum, & Magnis Scriptoribus complacuit. Quam  
 ad rationem nihil contra nostram Phil. dictum  
 faciat, penitus ab eâ alienum sit. Affinis huic  
 ratio, quâ arma à Philosophiâ suppeditari Aria-  
 nis, Photinistis, hæreticis, dicitur, quibus con-  
 tra veritatem se firment, fidei simplicitatem op-  
 pugnent. Coeterum nec hoc ita se habet. Non  
 suppeditantur ea, sed rapiuntur. Perindè ac in  
 civilem discordiam exardens Civis arma ex ar-  
 mamentario diripit, quæ illud huic non suppe-  
 ditat. Raptus in homine est, & vi Philosophiæ  
 infertur, Vt armamentario armorum raptus  
 imponitur. Ita Scripturam ad errores erro ra-  
 pit,



pit, non illa arma illi suppeditat. DEI vim, sensum, arcanum, s. lit. promunt, quæ erro in armamalitæ ingenii vitio pervertit. Terret alios, quòd sapientiam carnis Phil. Apostolus vocet, quòd inimicitia contra Deum sit, legiq; Dei subijci non ferat. Sed non Philosophia, verum corrupta ratio, vanitas, & detorsio Veteris corruptiq; hominis, in quantum totus caro de carne est, ibi intelligitur, quæ utiq; DEO inimica. Phil. autem notitia Naturæ rerum est, quæ Deo adversa esse non potest. Nam & ipse Deus naturæ author ac assertor, principia noscendi fixit, quæ homo observavit; & notitiam Naturæ plurimis infudit, ut Adamo, Mosi, Salomoni; & egregia in gentilibus ingenia eâ exornavit, Vt Pythagoram, Democritum, Aristotelem, Platonem, Senecam; Et quibusvis sapientibus sapientiam, ut ornandis mortalibus semper mirificus, immittit: ac naturâ sui fida ad DEUM quærendum & inveniendum manuductrix esse Philos. debet, ut Actor. 17. & Rom. 1. 2. docet Apostolus, unde in Pneumaticis de DEO, ejus potentiâ, scientiâ, provisione, æternitate, multa commentatur, Vt paulò ante mo-



nitum: Minimè contrariari DEO judicanda.  
 Sed immediata tamen ac perpetua inter-  
 opus carnis & Spiritus, DEI aut diaboli, re-  
 ctum aut pravum, oppositio in Sacris oggeritur,  
 quorum unum participare Pphilosophia de-  
 beat. Nec enim nisi cum Diabolo sit, qui cum  
 Christo non sit. Non autem opus Spiritus Phi-  
 losophiam esse. Quare carnis esse oportere.  
 Hic verò adverti par sit, quâ de re oppositio vi-  
 geat, quo de foro agatur. Nempè in foro spi-  
 rituali, Theologico, coram Deo ex conscientia  
 hominis agendo, in actis spiritualibus & jus po-  
 li concernentibus, de talibus enim Apostolo in  
 istis locis tractatio, omne opus, actus, conatus,  
 aut Carnis, aut spiritus est, & immediatè oppo-  
 siti dissidium justè teneas. Sed in foro Naturæ,  
 Civili, aut motu universim considerato, inter-  
 media ac indifferentia plura deprehendas, quæ  
 nec carni, nec spiritui assignes, justè Naturæ in-  
 sese ac naturali principio attribuas. Ita loqui,  
 ambulare, videre, audire, ratiocinari, disputa-  
 re, emere, mercari, arare, batuere, ædificare,  
 destruere, saltare, clamare, suere, sarcire, natu-  
 ralia, Civilia, artificiosa opera sunt. Spiritua-  
 liter.



liter aut moraliter bona vel mala, Carnis aut spiritus, Dei aut Diaboli, Ut in conscientia & spirituali foro ea accipimus, dici non possunt. Medii quid hic intercurrit, ut nec spiritui attribui, nec à carne, ut vox in sacris spiritui opposita sumitur, proficisci verè dici possint. Hòrsum omnes civiles disciplinas, ex residuo justo Naturæ lumine notitiisq; naturalibus post lapsum relictis, sensu, observatione, inductione, firmatis, exstructas, tam liberales, quàm illiberales, redegero, quas nec Spiritus machinationes appelles, Cum nec spiritualia, nec eo modo iusta ac probata sint, Nec carnis ut sic, esse dicas, Cum in quantum tales, impietatis, nequitia, aut subleste criminis reatum non habeant, nec uni illi majorum patrimonio, malo peccati assit, ortum debeant. Quòd si omninò Philosophia, operibus carnis immergenda, aut Medicinam, Iurisprudentiam, Mechanicam, eadem vitiositate collutules: aut has cum illà pariter exsolvas. Nec deteriori jure post lapsum Philosophia esse cogitur, quàm Iurisprudentia & Medicina. Potestq; hoc sensu Philosophus cum DEO esse dici, quia lumen DEI in Naturà accensum



censum observat, eruit, repræsentat, Et in  
 quantum Deus Creator, provisor, gubernator,  
 omnium est, non in quantum Pater in Christo  
 spiritualiter nobis benedicens est. Quâ ratio-  
 ne & Ictus ac Medicus cum DEO, non cum  
 Diabolo est, revelata DEI in Naturâ pandens &  
 observans, considerans, quod DEO in se displa-  
 cere non potest. Ultimum restat, quo  
 speciem hic gerat. Dominium hac juncturâ in  
 Theologiam invehitur à Philosophiâ, quod suc-  
 curi, eamq; è spiritualibus excerni justius fit.  
 Cum plerumq; ratio divinis imperitare allabo-  
 ret. Verum & hic metus extra causam est.  
 Non dominium, sed ministerium, subsidium, ad-  
 jumentum, in spiritualibus Philosophiæ assigna-  
 tur. Subesse ea debet, non præesse, ministra-  
 re explicandis, deducendis, & confirmandis il-  
 lis, ac famulari, non præsidere aut imperare.  
 Nefas, ultra terminos eam protendere, ultra  
 constituta promovere. Pariter ac Poëtice,  
 Grammaticæ, Logice, eloquendis, differendis,  
 ligandis spiritualibus subsunt & auxiliantur.  
 Imperium nec affectant, nec occupant, Theolo-  
 giæ dominium, Civilibus disciplinis inserviendi  
 necessi-



necessitas relicta est. In Theologicis si ligatè,  
 ad Poeticas, si Logicè proponere velis, ad Logices  
 praecepta adigeris, nisi barbaro & alogo esse lu-  
 beat. Sed instrumenti aptitudo, non domi-  
 nandi majestas, innuitur. Si justis limitibus  
 disciplinæ excedant, vitium ex homine & abu-  
 su, non habitudine & disciplinâ exundat. Ac-  
 tûm illa malè objecta locum habeant: Philoso-  
 phari est scortari. Quantò melior Philoso-  
 phus, tantò pejor Theologus. Quid canis in  
 balneo, quid Philosophia in doctrinâ Ecclesiæ,  
 Quid meretrix in gynecæo? Nihil Athenis com-  
 mune cum Hierosolymis, nihil Mosi cum Ari-  
 stotele. Taceat ratio in Ecclesiâ. Creditur  
 piscatoribus, non Dialecticis. Cedat aurea sa-  
 pientum literatorum lingua: Cedat aurum,  
 quod diligentius manu tractatum, foris preti-  
 um, intus metallum deprehenditur. Et quæ in  
 hanc rem Patres, Theologi, fanatici, aliiq;  
 Phil. hostes agglomerant. Si disciplinam è na-  
 turâ, objecto, fine, attributis, spectes, pulcrâ  
 conjugatione uniri Theologiæ concupiscit. Tra-  
 ctat hæc de DEO, ut è superiore revelatione in-  
 notescit. Tradit illa eundem, ut è Naturâ patescit.  
 Colen-



Colendum, diligendum, summâ mente amplectendum, utraq; præscribit. Felicitatem hominis spiritualementem hanc, civilem illa intendit. Virtutes spirituales ut media, conditiones ad illam hanc, civiles & morales, ut media ad civilem illam inculcat. Puritatem vitæ utraq; requirit, Vitiis repulsam mitti postulat. Eximia, justa, varax, solida Sapiencia utraq;, & sacra, & civilis est. Divinum quid utraq; est, illa in coelestium, & naturæ abstrusorum, hanc in terrestrium & Naturæ apertorum circo. Iam olim Oratori exclamatum, O vitæ, Philosophia, dux, virtutum indagatrix, vitiorum expultrix! Quid non modò nos, sed omninò vitæ hominum sine te esse potuisset? Secum contenta, alii disciplinæ admoveri nec curat, nec desiderat Theologia. Imitatur Philosophia, separatus ac principalis sibi habitus: Suo objecto, considerandi modo, fine, statutus, pensus, contentus. Aliorum, Theologiæ, Medicinæ, Iuri, usibus applicari & se non desiderat, ex usu ac intentione addiscitis aut adhibentis ferre potest. Discussa sunt, quæ divergium utriusq; aut dissidium minari visa. Nihil impedit, quò minùs Theologia



loga Philosophis aptare , Philosophica Theologicis adhibere & liceat, & profit. Vidistis, Auditores , quid & docendo , & pugnando , & destruendo , proficere in Theologiâ Philosophia jure meritoq; possit. Revenit in gratiam cum Theologiâ: Bellum depugnatum , abolitum , aut amotum. Iungi utraq; cupit, non sejungi, aut contraponi. Sejungendi non utilis, opponendi nulla, aut periculosa ratio est. Nemo solus disceptans placet: Nemo solus Theologus ex solido esse potest. Adeste igitur, sacri Musis genii, quibus Theologa ventilare adlubitum, Qui nunc Spes, olim, si benè insistitis, decus Patriæ esse potestis, Aut Philosophica adjungite, aut Theologica solidè vos occupare posse ne sperate. Neutrum studium se solo satis constituitur. Conjuncta præstabunt, quæ à separatis expectari non possunt, & impetrari vanè sperantur. Philosophare, quamdiu potes, nimium non potes. Excellens Philosophus, excellens Theologus, Olim videbis, Rungio quondam dictum Weixelbergerus tradit. In quò mihi finem Orationis esse non iniquum visum, & Amplissimo Nobilissimoq; Senatu



natui pro vocatione mihi apud hoc Gymnasium  
 destinata gratias meritas deferre, pro æstimo,  
 quod studiis meis dependit, quando profectum  
 huius Gymnasii utilia esse posse facto ipso pro-  
 fessus est, pro benevolentia, quâ me suæ Vrli  
 in clientelam arrogare sustinuit, pro humanita-  
 te, quâ me huc venientem amplecti ac profe-  
 qui, & nunc dicendi rudem ac incultum, diu  
 non sivetum, audire dignatus est, iustum jud-  
 catum est. Sentio, diligentiam spem & æstim-  
 um de me fovendum conservandumq; esse. Ego  
 ubi operam locare quivero, studiis profectum  
 dare, usui Gymnasii commodare valuerò, seri-  
 curam in cogitata revocare, cogitata in opera  
 vertere, & Volonem me præstare æquum erit.  
 Occupare item & continuare infracto animo,  
 inconcussa solitudine, quamdiu vita, sanitas, &  
 robur suppetierint, aut DEUS aliò vocare non  
 destinârit. Si pervadere & complanare omni  
 valuerò, gratiam merebor, & gratulari habebò.  
 Si quædam minimè, veniam, ac superis com-  
 mittere æquum futurum est. Illud certè Ve-  
 terum cogitari haud absurdum erit: Pulcher  
 Theocritus haud solus hominum videt. DEUS  
 & Iehova



& Iehova noster, quod jam in exordio factum,  
 in calce repetendum duxi, in adiutorium no-  
 strum intendat, labores universos docentium &  
 discipulorum, promoveat, successus optatos sup-  
 peditet, noxia pestesq; averruncet, Sibi glorio-  
 sa, Nobis utilia, omnibus grata & accepta  
 opera nostra conciliet, deniq; , ut verbo  
 omnia complectar, ex priscâ Roma-  
 norum formâ, **FELICITER,**  
 quod agitur,

**DIXI.**


**GLORIA IN EXCELSIS**  
**DEO.**




























Biblioteka Jagiellońska



stdr0019290



